



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Komunikadu Imprensa

Sorumutuk Konsellu Ministrus nian iha loron 30 fulan-setembru tinan 2020

Konsellu Ministrus hala'ó sorumutuk iha Palásiu Governu, iha Dili, no aprova ona ho alterasaun sira, projetu Dekretu-Lei, ne'ebé Ministru Obras Públikas, Salvador Soares dos Reis Pires, apresenta kona-ba **fornesimentu kombustivel husi Timor Gap, EP ba Eletrisidade Timor-Leste (EDTL, EP) nian**. Projetu Dekretu-Lei ne'e nu'udar objetu regulamentasaun ba forneseimentu kombustivel ho regulár no obrigatóriu husi TIMOR GAP ba EDTL, nune'e, permite forneseimentu kombustivel nian ne'ebé nesesáriu ho seguru liu ba funksionamentu sentru produsaun eletrisidade nian sira. TIMOR GAP tenke fornese kombustivel ho kondisaun ne'ebé mak seguru no bazeia ba akordu valór no espesifikasaun téknika nian sira ne'ebé hakerek ona iha kontratu.

Ministru Defeza, Filomeno da Paixão de Jesus, apresenta ona **opsaun polítika-lejizlativa sira** ne'ebé relaciona ho projetu Dekretu-Lei kona-ba **Estatutu Orgániku F-FDTL nian** no ba projetu Dekretu-Lei ba **kriasaun Unidade FALINTIL nian**.

Konsellu Ministrus aprova ona projetu Deliberaun, ne'ebé apresenta husi Vise-Ministra Finansas, Sara Lobo Brites, relaciona ho tetu finál ba **dotasaun orsamentál temporária ba fulan-outubru tinan 2020 nian**, ne'ebé nia valór fiksa ona ho montante dolar amerikanu millaun 117,1 (inklui pagamentu ba empréstimu sira).

Ikusliu, aprova mós projetu Deliberaun, ne'ebé Vise-Ministra Finansas apresenta, kona-ba aprovasaun preliminar ba **tetu agregadu no dezagregadu ba Orsamentu Jerál Estadu tinan 2021**, ho montante total preliminar, refere ba tetu agregadu, dolar amerikanu billaun 1,895 tuir konsiliaun rezultadu husi análise ba submisaun setoriál orsamentál setoriál nian sira, ne'ebé Komité Revizaun Polítiku (ne'ebé koñesidu ho akronimu KRÖP) hakotu ona horiseik, hodi permite Ministériu Finansas kontinua nafatin ba preparasaun Orsamentu Jerál Estadu tinan 2021 nian. Tetu finál sei aprova iha sorumutuk Konsellu Ministrus nian tuir mai, no sei entrega ba Parlamentu Nasionál iha loron 15 fulan-outubru oin mai. **REMATA**



Palácio do Governo,
Avenida Presidente Nicolau Lobato,
Dili, Timor-Leste